

rium in flore non visum; *stigmata* 3 recurva, sub carpelli unici grossificatione tam excentrica ut ad ejus medium ventrem posita viderentur. *Baccæ* nigræ globosæ, diametro 3-lineari, siccando e mesocarpio tenui albido grumoso tuberculato; *endocarpium* tenue membranaceum intus raphes vasibus tenuibus reticulatum. *Semen* 3-lineari; *testa* valida nigrescens, raphe ligulata subramosa a basi ad medium ventrem percursa; *albumen* solidum corneum; *embryo* subbasilaris conicus obtusus, extremitato radiculari caviusculus umbilicatus.

3. *E. longibracteata*. — Stipes mediocris. Frondes habitu concinno. Spadix erectus, tomento roseo quum est junior vestitus, ramosus, ramus basi longis bracteis (0^m,3) ornatus, quæ ad verticem imminuntur. Flores per paria, masculus superior et femineus inferior, corolla mascula violacea. Fructus diametro 0^m,008.

Hab. *ad superiorem fluvium Tapajós, in regione cataractas complectente, in silvis ad agros Mauhes attinentibus, haud procul a pago (maloca) de Sahy. Flores et fructus maturescunt mense Augusto.*

(Barb. Rod. hb. Palm. 228),

Stipes altitud. 4^m-5 et diametro 0^m,06 consequitur. Folia 8-10 contemporanea, petiola (viridi vagina 0^m,6) 0^m,4; rachis 1^m,2 longa; foliola alterna, juncta, oblique semi-erecta.

